

Yeshua ta anhelá un **Relashon** den **Realidat i Bèrdat**.
Yeshua su **Amor** pa nos ta **Realidat i Bèrdat**.
Yeshua su **Promesa** ta **Realidat i Bèrdat**.

Yeshua a bisa den **Mateo 5:48**: "Pa esei boso mester ta **Perfekto**, kresiendo den **Madures** kompletamente di **Santidat** den **Mente** i **Karakter**, alkansando asina e **Virtut** i **Integridat** meskos ku boso **Tata Selestial** ta **Perfekto**"
Yeshua tabata ripitiendo loke tin skirbi den **Levítico 19:2**: "Boso sea **Santu**, pasobra **Ami SEÑOR** boso **Dios** ta **Santu**."

E **Realidat** di loke ta nifiká sea **Perfekto** i **Santu** den **Hebreo** ta: **pone apart, prepará, dediká, konsagrá, santifiká, purifiká, apartá, madurá, virtut, integridat**.

E **Realidat** ta, ku pa ser **Santu** manera mi **Tata** ku ta **Santu**, ami mester **apartá mi mes, prepará mi mes, dediká mi mes, madurá mi mes** for di e sobra di **mundu**.

E **Realidat** ta, ku pa ser **Perfekto** manera **Yeshua** mi **Redentor** ta **Perfekto**, ami mester tin **Su Propósito, Su Forsa, Su Virtut, Su Integridat** na promé lugá i keda separá for di **mundu**.

E **Realidat** ta, ku pa ser **Santu** manera e **Spiritu Santu** ta **Santu**, ami mester **kere Su Palabra, konfia Su Poder, konektá ku Spiritu Santu, kambia mi manera** di atendé ku e **mundu**.

Ami mester **Kere, Konfia, Konektá i Kambia**.

Ami mester di **Dios Tata Su Sabiduria**
Ami mester di **Yeshua** mi **Salbador**
Ami mester tene duru na e **Speransa**.

30 December 2016
Sea Bendishoná den e Amor di Yeshua Mesias
Rev. Remsly L Riley